



UPA 2026/124

09. juni 2026

Aqqalu C. Jerimiassen

Atassut

**Nunatsinni kommunit kattuffiannik nutaamik pilersitsisinnaanissamut periarfissat pillugu
apeqquteqaat aallaavigalugu siunnersuut.**

(Inatsisartunut ilaasortaq Bentiaaraq Ottosen, Atassut)

Ukiorpasuuqngillat eqqaamasinnaasanni avataaniit suliaartortut tassaasarput alutorilluartakkagut, tassami neriniartarfimmut kangiuamiorpalaartunut isertilluta sulisui kangiamiussut assut alutorisarnikooqigatsigit.

Maanna pissutsit tamakku qaangiussimalerput, ullunilu makkunani avataanit suliaartortut tassaalersimapput sumi tamani takussaanerpaasut nalinginnaanerpaasullu.

Assaat sulisinnaasut ikiliartuinnartillugit ukiuni kingullerni, avataanit suliaartortut atorfissaqartinnerat anneruleralluttuinnartillugu isumannaatsumik periusissiaqartariaqarpugut nunatta avataaniit suliaartortorpassuit eqqarsaatigalugit.

Erseqqissarusupparpulli uagut Atassummiit, allamiut ajattunngilagut, allamiut tikilluaqquagut, pisussaaffilimilli. Killissaattumik inatsiseqanngitsumik pinissaq Atassummiit naaggaarparput, nunatsinnilu sulilluartorpassuusut inangerneqannginnissaannik siunertaqartuarnissaq sulissutigisuaannartariaqarnissaa pingaarnerpaatillutigu.

Nunaqqatigummi kikkulluunniit siulliusussaataaerneramik misigisimatinneqarnissaat sulii tamani pingaarnerpaavoq, aamma taamaattuassooq.

Naalagaaffeqatigiinnerup iluani nunanut allanut politikkeqarnermi oqartussaaffiup paarinnginnerani avataanit suliaartortunut tunngatillugu, pisussaaffigut allat malillugit avataanit suliaartortugut nunatsinnut naleqqussartartuarnissaat pingaaruteqartuuvoq.

Ullutsinnimi pisiniarfinniluunniit allaat sulisut amerlanersaat kangianit tikittuulersillugit, nunaqqatitsinnut pisinianut minnerpaamik paasinnissinnaassuseqarnissaat piumasaaqatinnngoriartuarnissaa nalimmassagassaavoq ukiut ingerlaneranni. Allamiuluartuugaanni oqarfissaagaluq "kingusinaannginnatsinni".

Uagulli Atassummi allamiut soorunami allatut nalitulli isigaagut, sulilluartortorpassuillu inoqatigut allat assigalugit qujassutissaqarfigilluinnarlugit.

Nunatsinnili inooriaatsitsinnut arlalitsigut tamaanga nunnivikkusuttut nunasivinniarlutik eqqarsartut, toqqissisimanartumik akuulersinnissaannut aqqutissaqartittariaqarpagut.



Ingasammik siunissamut eqqarsassagutta aatsitassarsiorneq annerusumik inerisarneqaaqqinniarpat, avataaniit suliarortut piffissaq qaninneq sulii ikiliartoqqikkalluarunnangitsut eqqoriareersinnaavarput.

Uani nunaqqatitta ajorsartunngortinnissaat siunertaanngerujussuarpoq, nunaqqatitta sulii suliffeqarfimminni isumannaatsumik atugaqarnissaat siunnerfiujuartassooq, nunaqqatitta nunatta avataaneersunik suliarortunik toqqissisimanartumik suleqateqartarnissaat pingaartuutissuarput.

Nunatta nappataa pingaernerpaaq aalisarneq qiviaannaraanni, aalisartooq, aap ataqqinarpoq, ilaana taanna ilisimaareqaarput, kisiannili illuani puigorneqakkajuttoq tassaavortaaq, nunatsinni taanna aalisakkerivimmi sulisuusoq tassaammattaaq aalisartut tunisuaannarfissaqarnissaanik eqqanaarinnilluni inissisimasuusoq, taakkoqanngippat aalisarneq ajalusuussammat.

Nunarsuatsinni ingasaassilluni talerperliuniat sukasmaalerfianni, Atassummiit nerioqaagut talerperlitoqaalluta tamanna periuseq ingasaassineq qaqqaguluunniit nunatsinnut apuutissanngitsoq, uani pinerullugu, nunasisunut isiginnittaaseq ingattarsertoq, tikilluaqquserpalaanngitsoq sorraatsorlu piulinngisaannassasut.

Nunatsinni utoqqartagut inuuttakkiartorput, taanna qujanaraluaqaaq, kisiannili sulisinnaasut ukiumiit ukiumut ikiliartuinnartillugit naleqqussarneq kisimi aqqutissatuanngoqqavoq, taamaaliunngikkutta sulisoqarnikkut ajalusoorluinnarnissarput naatsorsuutiginnarsinnaavarput.

Nerioqaagut naalakkersuisut una oqallisissiaq aallaavigalugu aningaasanut inatsisikkut suliaqarnissami aaqqiissutaasinnaasunik siunnerfeqarumaartut.

Oqallisissiamulu qujavugut.